

三才廣志

○廣志卷之五十

女道

要語

易屯六二屯如遭如乘馬班如匪寇婚媾女子
真不字反常也

睽豕曰睽火動而上澤動而下二女同居其志
不同行

漸女歸吉利貞豕曰漸之進也女歸吉也

禮記內則女子出門必擁蔽其面夜行以燭
無燭則子

女子十年不出姆教婉婉聽從執麻象治

絲酒漿蓬筵醴禮相助奠

十有五年而笄二十而嫁有故三十二年而

嫁嫂則為妻奔則為妾凡女拜尚右手

曲禮男女而雜坐

女子許嫁纓非有大故不入其門

許嫁則繫以纓示有所繫為也此與
切所佩香嬰不同大故謂大事也

女子許嫁笄而字

許嫁則十五而笄未許嫁則二十而笄亦成人之道也故字之

納女於天子曰備百姓於國曰備酒漿於大夫曰

備歸

雜記女子附於王母則不配

其附於祖母者據得祭祖母不祭王父故附於王母則不配

孟子東家處子

事實

無子無憂

南涯老年無子其母為取室孔子曰無憂罹年四十後當有五子丈夫矣而果然

老而無子

楚王灵問郡公子之死自投於車不曰人之愛其子亦於子乎侍者曰甚焉小人老而無子之格于溝壑矣

子自脱生

陳蕃傳諺曰盜不過五女門以女貧家也

詩標有梅三章標有標其實兮求我庶士七迫其吉兮

標有梅三兮求我庶士迫其今兮標有梅頃筐
堅之求我庶士迫其謂之

南國被大王之化女子之以真信自守懼其嫁不及時而有強暴之辱也故言而在樹者少以見時過而太晚矣求我之衆士其必有及此吉日而來者乎

已下五章見婦道門下

曹大家女誡七章

卑弱第四

古者生女三日卧之牀下弄之瓦磚而齊告焉卧之牀下明其卑弱主下人也弄之瓦磚明其習勞主執勤也齊告先君明當主繼祭祀也三者盡五人之常道禮法之典教矣謙讓恭敬先人後己有善莫以爲己惡莫解忌辱舍垢常若畏懼是永卑弱下人也脫後早作物婢夙夜執務

私事不詳則易所作者必成手迹整理是謂執勤也正色端操夫事夫主清靜自守無戲笑常齊酒食以供祖宗是謂祀祭祀也三者苟備而惠名稱之不問黜之在身未之見也三者苟失之何名稱之可聞然辱之何遠哉也

婦行四第

女有四行一曰婦德二曰婦言三曰婦容四曰婦功夫云婦德不必才名絕異也婦言不必詞口利辭也婦不必顏色美麗也婦功不必巧遇人也清閑靜守節整齊以有耻言厭於是謂婦言動靜有法是謂婦德擇時而說本道惡語辭然後齊己有言不厭於是謂婦言與完塵穢腹飾鮮潔沐浴以特身不垢辱是謂婦容專心紡績不好戲笑常齊酒辱以奉賓客謂婦功此四者文人之大德而不可乏之者也然為之甚易唯在心耳古人有言仁遠乎哉我欲仁斯至以此之謂也

魏荀爽女誠說

詩云泉源洪水在石女子有行遠父母兄弟明當許嫁配適君子竭節從理皆定晨省夜則早起和顏悅色如依持正身結行稱為順婦崇茲斯不素之杜昏姻九族云胡不喜聖人制禮以備陰陽七歲之男王母不抱七歲之女王父不持親非父母不與同居親非兄弟不與同筵非禮不動非義不行

是故宋伯姬遭失不下

廣志卷之五十一

五行之變

書洪範曰敬用五事五事一曰貌二曰言三曰視

四曰聽五曰思應劭曰思思貌貌曰恭言曰從視曰明聽

曰聰思曰容應劭曰容容貌貌曰恭言曰從視曰明聽

文治也其明作慤聰作謀應劭曰上聰則下容作聖

張宴曰容通達休徵孟康曰善曰肅時雨若應劭曰居上時艾時暘若

應劭曰政治慤時與若應劭曰慤明也師古曰與讀曰六

謀時寒若聖時風若師古曰凡言時者謂行得其道則

咎徵應古曰言曰狂恒雨若僭恒暘若應劭曰僭豫恒

與若急恒寒若霧恒風若服虔曰霧

鹿勛人君穀露鄙本則風不順之也師古凡

恒者謂所行者失道寒暑風雨不時而恒久為災也露音莫

凡六沴之作歲之朝月之朝日之朝則后王受

之歲之中月之中則正卿受之歲之夕月之夕

日之夕則庶民受之

鄭玄曰自正月盡四月為歲之中自五

月盡十二月為歲之夕上句為月之朝中句為月之中下

句為月之夕平日旦至食時為日之朝隔中至日厭

為日之中猶時至黃昏其二辰以下將其次受

為日之夕受之受其之鄭玄曰二辰謂日月也假令歲之朝也日月月中則上

公受之日月夕則下公受之歲之中也日月朝則孤

卿受之日月夕則大夫受之歲之夕也日月朝則上士

受之日月中則下士受之其餘差以尊卑少則悉矣說曰凡草木之類謂之妖妖猶天胎言言尚微也

虫篆之類謂之孽則茅孽矣及六畜謂之既言

其著也及人謂之疴疴病貌也言寢深也甚則
異物生謂之青自外來謂之祥祥猶禎也氣象
謂之沴沴猶臨蒞不和意也每一事云時
則以絕之非必俱至或有或亡或在前或在後
孝武時夏侯始昌善推五行以傳族之勝下及許
商皆以教所賢弟子其傳與劉向同惟劉歆傳
獨異

老泉蘓氏曰五行含羅九疇者也五後檢御五
行者也皇極裁節五事者也今夫皇極之建也
貌必恭恭作肅言必從從作乂視必明明作哲
聽必聰聰作謀思必睿睿作聖如此則五行其

性雨暘燠寒風皆時而五福應矣若夫皇極之不建也貌不恭厥咎狂言不從厥咎僭視不明厥咎豫聽不聰厥咎急思不睿厥咎蒙如此則五行失其性雨暘燠寒風皆常而六極應矣歆向之惑如於福極分應五事遂強爲之說故其失寔廣而有五焉今其傳以極之惡福之攸好德歸諸貌極之憂福之康寧歸諸言極之疾福之壽歸諸視極之貧福之富歸諸聽極之凶短折福之考終命諸思所謂福止此而已所謂極則未盡其弱焉逐曲引皇極以足之皇極非五事匹以其不建之咎正一極之弱哉其失一也且逆

而極順而福傳之例也至皇之不極則其極既弱矣吾不識皇之極則天將以何福應之哉若曰五福偕應則皇之不極惡憂疾貧凶短折局不偕應哉此乃自廢其例其失二也冀謂咎曰狂僭豫急蒙而已罰曰雨暘燠寒風而已今傳又增咎以眚增罰以陰

五行傳云皇之不極厥咎眚厥罰常陰

此其樞聖人之言以就固謬况眚與蒙無異而陰可兼之而別名之乎其失三也經之首五行而次五事者徒以五行天而五事人不可以先天耳然五行之逆順必視五事之得失使吾為傳必以五事先五行偕如傳貌之不恭是謂

不肅厥咎狂則木不曲直厥罰常雨其餘亦如
之察劉之心非不欲爾蓋五行尽於思無以周
皇極苟如庶驗之則雖慙亦惟駭矣故雖五行
五事而爲辭以蔽其累其失四也傳之於木其
說以爲貌矣及火土金水則思言視聽殊不及
焉自相駁亂其失五也夫也疇之於五行可以
條而入者惟二箕子陳之蓋有深旨矣五
事一也庶驗二也驗之肅久哲謀聖一出於
五事事之貌言視聽思一出於五行此理之自
然不可條而入之乎其他八政五紀三德稽疑
福極其大歸雖無越於五行五事非可條而入

之者也條而入非理之自然故其傳必鈞牽舛
拔文致而強附之然後可以僅知此福此極之
所以應此者立言如此其亦勞矣且傳於福極
既而則於八政五紀三德稽疑亦當耳而
今又爾何也經曰五皇極皇建其有極欽時五
福用敷錫厥庶民此言皇極而五福備使經云
皇極之建則必以六極易五福矣馬在條而
入之乎且皇九疇之尤貴者故聖人立之於中
以貴上下譬如庶驗然也曰雨曰暘曰燠曰寒
曰風曰時時於雨暘燠寒風各冠其上耳又可
列之爲一驗乎若是則列之傳惑且強明矣意

傳之法二劉倡之班固志之後之史志
五行者孰不師而效之世之讀之又孰不
從而然之是以膠爲一論莫有考正吾得
無言哉

貌之不恭

傳曰貌之不恭是謂不肅厥咎狂厥罰恒雨厥

極惡時則有服妖時則有龜孽師古曰孽及其下並同

時則有鷄旤師古曰旤與禍同時則有體生上之疴日若

牛之足及出背上下欲代上時則有青青李奇

之禍也師古曰有音何時則有青青日內

日青外唯金沴木服虔曰沴害也如淳曰沴音

日祥說曰貌之恭是謂不肅肅敬也內曰恭外曰敬

人君行以體貌不恭怠慢驕蹇則不能成萬事
失狂易故其咎狂也

其惟

師古曰易狂易謂狂而易常

上慢不恭陰氣勝故其罰常雨也水傷不穀衣
食不足則姦軌並作故其極惡也一曰民多被

刑或刑貌醜惡是也風俗狂慢變節易庶則為

刑輕奇怪之服

師古曰剝青皮少功

故有服妖水類動有

龜孽

如淳曰龜大上以

於易巽為鷄鷄有冠距文

武之貌不為威儀貌氣毀故有鷄旣一曰水歲

難多死及為怪亦是也上威儀則下有彊臣

害居上者故有下體生於上之病木色青故有

青青青祥凡貌傷者病木氣病則金沙

之衝氣相通也於易震在東方為春為木也兌
在西方為秋為金也離在南方為夏為
火也坎在北方為冬為水也春與秋日夜
分寒暑平是以金木之氣亦以相變故貌
傷則致秋陰常雨易傷則致春陽常旱也至
於冬夏日夜相反寒暑殊絕水火之氣不
得相併故是傷常與聽傷常寒者其氣然也
逆之其極曰惡順之其福曰攸孟康曰攸
不順致妖
順則致福也師古曰攸所也始
也德也劉歆貌傳曰

有鱗虫之孽羊甌鼻府說以為於天文東方
辰為龍星故為鱗虫於易兌羊木為

金所病故致羊甌與常雨同應此非是春與
秋氣陰陽相敵木病金盛故能相并唯
此一事耳甌與妖疴相青同類不得獨
異史記

貌之不恭見人道不敬類

恒雨見天道雨類

服妖見人道服類

龜孽見地道龜類

雞既見地道雞類

下體生上之病

金沴木

青青青祥

下體生上之病

西漢景帝時梁孝王北獵梁山有獻牛足出背上王惡之六月中病熱六日夢張晏曰足當處下所以輔身也金出背上象孝王背朝而午上也北者陰也又在梁山明爲梁也牛者丑之畜衝在六月北方類六故六日壬夢也

後周武帝保定三年有牛足生於背

唐咸通十四年七月宋州襄邑有獵者得雉五足三足出背上足出於背下干上之象五足者衆也

人生手如足玄鏡曰因生奸臣

人陰在上天鏡曰人生子陰在背天下大亂在背天子無從在腹天下有大事

晉元帝大興初有女子其陰在腹當臍下自中國來至江東其性淫而又產又有女子陰在手性亦淫是時王敦據上流將欲爲亂是其徵驗也

後周帝保定三年有人產之子陰在背陰下當生於背而生者陰陽反覆君臣顛倒之象也時晉公獲專政征伐自己懷裏逆帝誅之

人腹倒上天鏡曰人生復在背天下肌人生復在手上前後天下民肌兵作

人生復在及足上天下有大兵又曰天子易

人背生面玄珠曰國生背臣

人面觀背國不祥

人首在背京房曰天下易卿

人目在手京房曰人目在手及後天子亡

人目在復天鏡曰五穀不豐橫兵起

人目在項天鏡曰目在項背天子不安

人口在首及在後京房曰國亡

人鼻在首京房曰人鼻在首前後天子有殃

青青祥

後漢恒帝永興二年四月丙午光祿勳吏合璽
夏夜有青氣是之得王鈞瑛各一鈞長七寸二
分周五寸四分身中背雕鏤此青祥也王金類
也七寸二分商數也五寸四分徵數也商爲臣
徵爲事蓋爲人引決事者不肅將者禍也時梁
冀東政專恣後四歲誅滅

靈帝宣和元年七月有青虹見御座玉堂後殿
庭中

晉武帝咸寧元年八月丁酉大風折大社樹有青氣出焉此青祥也占曰東麓當有帝者明年元帝生是時帝大父武王封麓由是徙封琅邪孫威以爲中興之表晉室之亂武帝子孫無子遺社樹折之應又恒風之罰

唐貞觀十七年四月立晉王爲太子有青遶東宮殿始冊命而有候不祥十八年六月壬戌有青黑氣廣六尺貫于辰戌長亘天

太和元年鄭注菑中藥化爲螻數萬飛去

始以藥術追化爲蠅敗死之象青青也乾元三
六月昏西北有青氣三

日青光無晉書曰主李勢景祐占曰君弱漢元
帝永光四年四月日色青正中時有影無光是
時石显專權所致也

隋文帝仁壽四年七月日青無光八日仍復占
曰主奪又月有死亡帝果崩漢光諒反楊素討
平之背兵喪國亡之應也

青氣貫日景祐占曰氣如青蛇貫日下有疾疫
五穀傷又曰氣如青龍守曰君宜慎飲膳臣有
謀又曰青雲扶日臣下有誅又曰青氣在石

上下左右出軍爲吉又曰刺日青氣其分有喪兵
又曰雲如青鳥向主有憂又曰日下雲如青馬
主敵人相謀宜自設備

日青暈再景祐占曰其下有兵谷責

晉惠帝元康元年十一月日暈再重青亦有
光是時賈后悍多權畧欲干預政事而爲太傅
楊駿所抑遂構駿以謀反殺之徵汝南王亮衛
瑾東政賈后復名楚王瑋使殺亮反瑾尋復殺
其后又毒殺太子儉倫等起兵殺后是其
應其

青雲貫日暈夏氏曰有團城

青雲刺日高宗占曰是謂賊害王受其殃五谷不熟

青氣極天及日入有青氣東西極天類千丈數日無風雨三年內有天喪

唐太宗貞觀十八年六月壬戌有青氣廣六尺貫于辰戌其長亘天後五年帝崩

月青而明符瑞圖曰居秉本德而王其政頌平則有青而明

月色青天文總論日月變青色爲憂爲飢月青珥河圖帝覽嬉曰有憂

青氣壓北斗乙巳占曰有雨

青氣竟天東西若廣六七丈有大喪

青雲如暈其國主大喪

青蜺絳氣東西極而三日不行不出一年天下
兵起

日有青暈禮記威儀曰黃中有青暈居東水德
而王也

青雲順日洛書曰蒼帝氣如人向日舉手抱頭
一手在後而扶日又如青衣人無手立在日傍
向日皆天子之氣也

日有青氣在西北晉書曰青雲潤澤在日西北

國家當舉

廣志卷之五十二

金沴木

春秋文公十三年大室懷近金沴木木動也先是冬僖公夢十六月乃作主後六月又吉禘於大廟而致僖公左氏說曰登僖於閔上逆也又未三年而吉禘前後亂賢父聖祖之大禮太室屋懷象魯自是而陵夷將墮於周公之祀也

漢景帝三年十二月吳二城門自傾大缸自覆

劉向以爲近金沚木木動也先是吳王濞以太
子死於漢稱疾不朝陰與楚王戊謀爲逆亂城
猶固也其一門名曰楚門一門名曰魚門吳地
以舡爲家以魚爲食天戒若曰與楚所謀傾國
覆家吳王不寤正月與楚俱起兵身死國亡京
房易傳曰上下咸諄厥妖城門懷

師古曰諄慮也

音布
內及

宣帝時大司馬霍禹所居茅門自壞時禹內
不順外不敬見戒不改卒受滅亡之誅

哀帝大司馬董賢茅門自壞時賢以私受居大
位賞賜無度驕慢不敬大失臣道見戒不改後

賢夫妻自殺家徒合浦

後漢桓帝延熹五年大學門無故自壞襄楷以

為大學前疑所居

本傳楷書無前疑前言也

其門自壞文德

將喪教化廢也是後天遂至喪亂

永康元年十月壬戌南平城門內屋自壞金珍

木木動也其十二月宮車駕晏

靈帝光和元南宮平城門內屋武庫及外東垣

屋前後頽壞蔡邕對曰平城門正陽之門與宮

建郊祀法駕所由從出門之最尊者也武庫禁

兵所藏東垣庫之外障易傳曰小人在位上

下咸悖厥妖城門內崩潛譚邑曰宮瓦自墮

諸侯強陵主此皆小人之頭位亂法之咎也其
後黃巾賊先起東方庫兵大動皇后同父兄何
進爲大將軍同母弟苗爲車騎將軍兄弟並貴
咸皆統兵在京都其後進欲誅廢中官爲中常
侍張讓段珪等所殺兵戰宮中闕下更相誅滅
天下兵大起

光和三年二月公府駐駕無自壞南北三十
餘門

中平二年二月癸亥廣陽城門外上屋自壞之
也

獻地初平二年三長安宣平城門外屋無故自

壞至三年夏司馬使王允使中郎將呂布殺太

師董卓夷三族

遠山松白李催等攻
破長安城宮允等

興平元年十月長安市門無故自壞至二年春

李催郭汜聞長安中催迫劫天子移置催塢尽

燒宮室殿宇城門官府民舍放兵寇抄公卿

以下

魏文帝黃初七年正月幸許昌城南門無故自

崩心惡之遂不入還洛陽此金沴木木動之也

五月車晏駕京房易傳曰上下咸悖厥妖也城

門壞

晉武太康五年五月宣帝廟地陷梁折

無故而折時上無太子天下皆以棘次當立公卿屬望疎遂驕恣乎術者令相又爲厭勝之事堂獄無故自折亦其姓奸謀之應也天見變以戒之疎不悟後竟得罪於帝

唐武德元年八月戊戌突厥始大可汗衙帳無故自壞

中宗即位雞竿折雞竿所以肆赦始登天號而雞竿折不祥

神龍中有群狐入御史大夫李承嘉第其堂故壞又東而管直裂易之又裂

門元五月正月癸卯大廟中壞

天寶十四載哥舒翰師守潼關前軍

行牙門旗至坊門獨落搶刀衆以爲不祥

永泰二年三月辛丑中書救庫壞

唐貞元四年正月庚戌朔德宗御含元殿受朝
賀賀明殿階及欄檻三十餘間自壞衛士死者
十餘人含元路寢太廟會之所御也正月朔一
歲之元王者之事天所以倣重重矣

唐大和九年鄭注爲鳳翔節使將之鎮出開遠
門旗竿折

唐光啓初楊州府署門屋自壞故隋之行臺門
也制度甚宏麗云

宋紹興三年八月辛亥尚書省後棲屋無故自
壞

言之不從

傳曰言之不從是謂不父

師古曰父

厭
𦵏
厭
𦵏

荀桓陽歿極憂時則有詩妖時則有介盞之孽

特則有灰既特則有口古之疴特則有白青白

祥惟木珍金

說曰言之不從從順也是謂不久久治也孔子

曰君子居其室出其言不善則有千里之外違

之不其爾者乎

部 部
 也 也
 通 通
 通 通
 也 也
 繁 繁
 之 之

詩云如凋如

嬉如沸如羹

新公曰大祁萬之詩也明律也
九思初降也謂政無文雅生言
詩各

如明曉之喻之津梁其之指點之明十訓啓音

言上就令不從民心虛譁憤亂則不能治海內失

在過左故其咎借借差也刑罰妄加群陰不附

則陽氣勝故其罰常陽也早傷百穀則有寇難

上下俱憂也君炕陽而暴雷

許古曰亢言炕湯則言枯涸之意謂

風志浮於下炕也言。暴反

臣畏刑時掛口

古師

曰掛兩之音其與反兩者即反涉反

則怨謗之氣發於詩誼

故有詩妖介虫孽者謂小虫有甲飛揚之類陽

氣所生也於春秋為蚤今謂之蝗皆其類於陽

兌口犬以吠守而不可信音氣致故有犬既

一曰旱歲犬多狂死及為怪亦是也及人則多

病口喉效者故其口舌病金色白故有白青白

祥凡言傷者病金氣木沴之其極憂者順之其

福曰康寧劉歆言傳曰時有毛蓋之舉說以爲

天文西方參爲虎星故爲毛蓋

言不從見人道言類

詩妖 訛言見人道言類

介類之舉見地道出類

犬既見地道犬類

口舌之府

白青白祥

木沴金

詩妖

春秋左氏傳晉獻公時童謠曰丙之辰龍伏辰

初服振振

振取號之旂

師古曰徒歌曰謠初服之說初音均又音

文春反振只入反

鷄之賁賁天策煇煇大中咸軍號公

其犇是時號為小國介夏陽之沉怙虞國之恥
亢衡於晉有坑陽之節夫臣下之心晉猷伐之
問於卜偃曰吾其濟乎偃以童謠對曰克之十
月朔丙子旦日在尾月在箕鷄火中必此時也
冬十二月丙子朔晉師滅虢公醜犇周周十二
月夏十月也言天者以夏正

史記晉惠公時童謠曰恭太子更葬兮後十四
年晉亦不昌昌乃在其兄是時惠公賴秦力而
立立而背秦內殺二大夫國人不说及更葬其

兄恭太子申生而不敬故詩妖作也後興秦戰
爲秦所獲立十四年而死晉人絕之更立其兄
重耳是爲文公遂伯諸侯

左氏傳文成之世童謠曰鵲之鵲之公其奪之
鵲鵲之羽公在外野往饋之焉鵲鵲跡跡公在
乾候微秦與襦鵲鵲之巢遠哉榰榰桐父喪勞
宋父以驕鵲鵲鵲往歌來哭至昭公時有鵲
鵲來巢公攻李氏敗出奔齊居外野次乾候入
年死于外歸塋魯昭公名裊公子宋立是爲定
公漢元帝時童謠曰井水溢城窺烟灌玉堂流
金門至成帝建始三年三月戊子北宮中井泉

補上溢出難流象春秋時先有鸛鵒之譴而後
有朱巢之驗井水陰也灶烟陽也玉堂金門至
尊之居象陰盛而滅陽竊有宮室之應也王莽
生於元帝初元四年至成帝封侯為三公輔政
因以篡位

成帝時童謠曰燕燕尾涎涎張公子時相見木
門倉琅根燕飛來啄皇孫皇孫死燕啄失其後
帝為微行出遊帝與富平侯張放俱稱富平侯
家人過河陽主作樂凡舞者飛燕而幸之故燕
燕尾涎涎美好貌也張公子謂富平侯也木門
倉琅根謂宮中錢言將尊貴也後遂立為皇后

弟昭儀賊害後宮皇子卒皆伏辜所謂燕飛來
啄皇孫皇孫死燕啄夫者也

成帝時詩謠又曰邾徑敗良田諛口舌善人桂
樹花不實黃爵巢其顛古為人所羨今為人所
桂赤色漢家象華不實無繼嗣也王莽自謂黃
象黃爵巢其顛也

後漢更始時南陽有童謠曰諧不諧在赤眉得
不得在河北是時更始為長安世祖為大司馬
平定河北後更始為赤眉所殺世祖自北河興世
祖建武元年帝先在長安時同舍生姜華自關
中奉赤伏符曰劉秀發兵捕不道四夷雲集龍

開野四七之際大為主群臣奏以爲命之符武
乃命有司設壇場以六月己未即皇帝位于鄯
改鄯爲南邑建武六年蜀有童謠曰黃牛白腹
五銖當復是時公孫述僭號於蜀時人竊言王
莽稱黃述歆繼之故稱白腹五銖漢家貨明當
復矣述遂誅滅王莽末天水童謠曰出吳門望
緄郡見一蹇人言歆上天今天可上地上安得民時
隗囂初起兵於天水後意稍黃歆爲天子遂破滅
囂少病蹇吳門冀郭門名也緄郡山名也

順帝之末京都童謠曰直如弦死道邊曲如鉤
及封侯索順帝即世孝質短祚大將軍梁冀貪

樹蹠幼久專國柄大尉李固以清河王年長
有德欲立之冀北太后策免固而立桓帝固
是月幽薨于獄暴尸道路而胡廣趙成表
俱封侯云

桓帝初天下童謠曰小步青青大步枯誰當獲
者婦與姑丈夫何者西擊胡吏買馬君具
車請為諸君鼓龍胡素元嘉中涼州諸羌俱
反大為民害命將出衆每戰常負中國益發
甲卒多委弃俱有婦女收穫吏買馬君具車
者言調發重及有秋者也諸為君鼓龍胡者
不敢言私咽語

桓帝之初京都童謠曰城上烏尾畢逋公為吏
子為徒一徒死百乘車車班班入河間河間蛇
女工數錢以錢為室金為室石上慊慊春黃
梁梁下有懸鼓我欲擊之丞卿怒按此皆
謂為政貪也城上烏尾畢逋者處高利獨食
不與共謂人主多聚歛也公為吏子為徒者言
蚩夷將畔送父既為軍吏其子又為卒徒往擊
之也一徒死百乘車者言前一人往討胡既矣
後又遣百乘往車班班入河間者言上將崩乘
輿班班入河間寧靈帝也河間蛇女工數錢
以錢為室金為室者靈帝既立其母永樂太后

好聚金以爲堂也言上慊慊春黃梁者言永樂雖積金錢慊慊常若不足使人春黃梁者言梁下有懸鼓我欲擊之丞相怒者言永樂主教灵帝使賣官受錢所祿非其人天下忠篤之士怒望欲擊懸鼓以求見相卿主鼓者亦復諂順怒而正

桓帝之初京都童謠曰游平賣即自有平不辟豪賢及大姓素到廷熹之末鄧黃后譴自後及以竇貴人代之其父名武字游平拜城門校尉及太后攝政爲大將軍與太傅蕭合心勸力惟德是建即緩所加咸得其人豪賢

大姓皆絕望矣

桓帝之末京都童謠曰茅田一頃中有井四方
織織不可整噲復噲今年尚可後年饒案易曰
拔茅茹以其彙征吉亨喻郡賢也井者法也時
中常侍管霸等專作威福禁錮黨人茅田一
頃者言群賢衆多也中有井者言雖泥
窮不失法度也四方織織不可整者言姦臣大
熾不可整理噲復噲者不可飲酒相強之辭言
肉食者鄙不恤王政徒耽宴飲歌呼而已也今年
尚可言但禁錮後年饒者陳實被誅天下大疎
桓帝之末京都童謠曰蓋小車何延延河間未

合諧河間來合諧按解犢亭屬饒陽河間縣居
無幾桓帝崩使者與解犢皆白蓋車從何未延
延衆貌也

靈帝之末京都童謠曰侯非侯王非王千乘萬
騎上北芒秦到中平六年史侯登蹕至尊獻帝
未有爵號爲中常侍段珪等數千人所執公卿百官
皆隨其後到河上乃得未還此非侯非王上北
芒者也

靈帝中平中京都歌曰丞相樂世董逃遊四郭
董逃象天恩董逃帶金紫董逃行謝恩董
逃整車騎董逃壘欵發董逃與中辭董

逃出西門董逃悟宮殺董逃望京城董逃日
夜絕董逃心摧傷董逃案董謂董卓也言
雖拔危從其殘暴終歸逃竄至於滅族
也

獻帝踐祚之初京都董謹曰千里草何青青
十日卜不得生案千里草爲董十日卜爲卓
凡別字之體皆從上起左右離合無有從
下發端者也今二字如此者天意若曰卓
自下摩上以臣陵君也青青者暴盛之貌
也不得生者亦旋破亡

建安初荊州董謹曰八九年間如歎衰至中

三年無子遺言自中興以來荊州無破亂及
劉表爲牧又豐樂至此建八九年當世衰者
謂劉表妻當死諸並零落也十三年無子遺
言十三年表又當死民當移詣冀州也魏明
帝太和中京都歌兒鈴曹子唱曰其柰汝曹
何此詩妖也其後曹爽見誅曹氏遂衰景初
景童謠曰河公河駕馬車不意河公東渡河河公
未還當柰何及宣帝遼東歸至白屋當還鎮
長安會帝疾篤急召之乃來追鋒車東渡河
終如童謠之言

齊王加平中有謠曰白馬素霸西南馳其誰

來者朱虎騎朱虎者楚王小字也王凌今孤惡
聞此誼謀立彪事發凌等伏誅彪賜死吳虎亮
初誼曰呼汝恪何若若盧希單衣篋釣絡
於何相求常子閭常子閭者反語石子珊也釣
絡釣帶也及諸葛恪死果以盧席裹身篋
其要授之若子珊後聽恪故吏收歛求之
此珊云孫亮初公安有白龜鳴童誼曰白龜鳴
龜背平南郡城中可長生守死不去義無成南
郡城可長生者有急易逃也明年諸葛恪敗第
融鎮公安亦見襲融剖金印龜服之而死龜
有鮮介甲兵之象又曰白祥也

孫休永安二年將守質子群聚嬉戲有異小
兒忽來言曰三公鋤司馬如又曰我非榮惑也
言畢上昇仰視若曳一疋練有頃沒手室曰後
四年而蜀亡六年而魏廢二十一年而吳平於
是九服歸晉魏與吳蜀並戰國三公鋤司馬如
之謂也

孫皓遣使者祭古印山下妖祠使者以丹書告
曰楚九州睹吳九州都楊州士作天子回始治
太平矣皓聞之意益張曰從太皇帝至朕四世
太平之主非朕復誰恣虐踰甚尋以降亡近詩
妖也

孫皓天紀中童謠曰河童復河童御刀渡江不
岸上獸但畏水中龍武帝聞之加王濬龍驤將
軍及征吳江衆軍無過者而王濬光定秣陵
晉武帝太康元年平吳後江南童謠曰局縮內
數橫目中國當敗吳當復又曰宮門柱且莫朽
吳當復在三十年後又曰雞鳴不拊翼吳復不
用力于人吳人皆謂在孫氏子孫故切發為乚
者相繼案橫目者四字自吳亡至元帝興幾四
十年元帝興於江東皆如童謠之言元帝懦而
少斷局縮內者有所忤也

太康末京洛為折楊柳之歌其曲始有兵革苦

辛之辟終檢獲斬截之事是時三楊柳之盛而被族滅太后廢黜幽死中宮折楊柳之應也惠帝永熙中河內溫縣有人如狂造書曰光光文長大戰為塙毒藥雖行戟還自傷又曰兩火沒地哀哉秋蘭歸形街郵終為人歎及楊駿居內府以戟為衛死時又為戟所害傷楊后被廢賈后絕其膳八日而崩葬街郵亭北百姓哀之也兩火武帝諱蘭楊后字也其時又有童謠曰二月末三月初荆筆楊板二人不誅君臣礼悖故云幾作驢也

元康中京洛童謠曰南風起吹白沙遙望魯國
何嗟噫千歲觸骸生齒牙又曰城東馬
子莫龍吟此至來年纏女髮南風賈后
字也將與謚沙門太子少名也魯賈謚
國也言賈后將與謚為亂以危太后而趙
王舉咀爵恭賢以成篡奪不得其死之應也
元康中天下商賈通著太鄣日時童謠曰屠蘇
鄣日覆兩耳當見瞎兒作天子及趙王倫篡位
其目實眇焉趙王倫既篡洛中童謠曰獸從
北來鼻頭汗龍從南來登城看水從西來河灌
鄣教月而齊王威都河間義兵同會誅倫末威

都西藩而在鄴故曰獸從北來齊東藩而
在許故曰龍從南來河間水源而在閭左故
曰水從西來齊留輔政于宮西又有無君心
故曰登城者也

太安中童謠曰五馬游渡江一馬化為龍後中
原大亂宗藩多絕唯琅邪汝南西陽南頓彭城
同至江東而元帝嗣統矣司馬越還洛有童謠
洛中大鼠長尺二若不早去大狗至及荀謁將
破汲桑又謠曰元超兄弟大落度上桑打槌為
弓作由是越惡謁奪其兗州隙難遂構焉愍帝
初有童謠曰天子何在豆田中至建興四年帝

降劉曜在城中豆田壁中

建興中江南謠歌曰周白坑破合集待作甌楊
州破換興廢素白者音行坑器有口屬甓瓦
甓質則亦金之類也旬如坑破者言二都傾
覆王室大壞也合集待作甌者言帝鳩集
遺餘以主社稷未能克復中原且偏王江
南故其喻也及石頭之事六軍大潰兵人
抄掠邑爰及二宮其後三年錢鳳復攻京邑
阻水而守相持月餘日焚燒城邑井堙水開
吳鳳等敗退沈充將其黨還吳興官軍踵之蹈
籍郡縣充父子校首黨與誅者以百數所謂

楊州破換敗吳興履甃甃瓦器又小於甃也甃武

明帝大寧初童謠曰惻惻力力於馬山側大馬死小馬餓高山崩石自破及明帝崩成帝幼為蘇峻所逼遷于石頭御膳不足此大馬死小馬餓也高山峻也又曰峻尋死石峻弟蘓石也峻死後石據石頭尋為諸公所破復是崩山石破之應也

成帝之末又有童謠曰磕磕何隆隆駕車入梓宮少日而宮車晏駕

成康二年十二月河北謠云爰入土殺石武後

如謹言庾亮初鎮武昌出至石頭百姓於岸上
歌曰庾公上武昌翩翩如飛鳥庾公還楊州白
馬牽旒旒又曰庾公初上時翩翩如飛鳥庾公
還楊州白馬牽旒旒蘇後連微不入及薨於鎮以
喪還都羣臣如謹言

穆帝升平中童兒輩忽歌於道曰何子聞曲
終輒云何子汝聞不無幾而帝崩太后哭
之曰阿子汝聞不

升平末俗間忽作庶歌有危謙者聞之庶者臨
也歌云白門庶宮庭庶內外悉臨國家其大諱
乎少時而穆帝晏駕

哀帝隆和初童謠曰升平不滿斗隆和那得
久桓公入石頭陛下跣足走朝廷聞而惡改
年曰興寧歌人復曰雖復改興寧亦復無聊
生哀帝尋崩升斗五年而穆帝崩不滿斗升
平不至十年也

海西公太和中百姓歌曰青青御路楊白馬紫
遊韁汝非皇太子那得甘露漿識白者金行馬
者國族紫為奪正之色明以紫間朱也海西公
尋廢其三紫並作海西公之子縊以馬韁死之明日
南方獻甘露焉

太和末童謠云犂牛耕御路白門種小麥及海西公被

廢百姓耕其門以種小麦遂如謹言

海西公初生皇子百姓歌云鳳凰生一雛天下
莫不喜本言是馬駒今定成龍子其歌甚美其
旨甚微海西公不男使左右向龍內侍妾生子
以爲己子桓石民爲荊州鎮上明百姓忽歌曰黃
曇子其中又曰黃曇美楊州大佛來上明頃之
而桓石民死王快爲荊州黃曇子乃黃快字也
忱小字佛大是大佛來上明也孝武帝太元末
京口謹曰黃雌雞莫作雄父啼一旦出毛衣衣
披拉颯栖尋而王恭起兵誅王國宝旋爲劉牢
之所敗故言拉颯栖也

會稽王道子於東府造土山名曰灵秀山無幾而孫思作乱再踐會稽會稽道子所封灵秀思之字也

庾楷鎮歷陽百姓歌曰重羅黎重羅黎使居南上無還時後楷南殷仲堪在荊州童謠曰芒籠目繩縛腹殷當敗桓當復未幾而仲堪敗桓玄遂有荊州

王恭鎮京口舉兵誅王國宝百姓謠曰昔年食白飯今年食步粳天公誅譴汝教汝稔龍喉龍喉喝復喝京口敗復敗識者曰昔年食白飯言得志也今年步粳粳粗穢其精已去明將敗也天公將加譴而誅之也稔龍喉氣不通死之祥也敗復敗

丁寧之辭也恭尋覓京都又大行歎疾而喉並
唱焉王恭在京口百姓間忽人黃頭小兒欲作
賊阿公在城下指縛得又云黃頭小人欲作亂
賴得金刀作番扞黃字上恭字頭也小人恭字
下也尋如謠言者焉安帝隆安中百姓忽作懷

懷

上烏浩天
下奴浩天

之歌其曲曰草生可攬結女兒可攬擷

尋而桓玄篡位義旗以三月二日掃定京都誅
之玄之宮女及逆黨之家子女妓妾悉爲軍賞
東及歐越北流淮泗皆人有所獲故言時則草
可結事則女可擷也桓玄既篡童謠曰草生及
馬腹鳴啄桓玄目及玄敗走至江陵時正正月

中誅如其期焉

安帝義熙初諡曰官家養盧化爲民盧生不正
自成績其養盧龍寵以金紫奉以名州養之極
也而龍不能懷我好音年兵內伐遂成讐敵也
盧生不正自成績及盧龍之敗斬伐其黨猶如
草木以成績也盧龍據廣州人爲之諺曰盧生
漫漫竟天半後擁上流數州之地內逼京輦應
天半之言

義熙三年小兒相逢於道輒奉其兩手曰盧健
健以曰聞嘆聞嘆末田公年老翁年老當時莫
知所謂其後盧龍內逼舟楫蓋川健健之謂也

既至查浦屢尅期欲與宮闈闊嘆之應也

昔溫嶠令郭景純卜已與庾亮吉凶景純云元吉嶠語亮曰景純每筮是不敢盡言吾等與國家同安危而曰元吉是事有成也於是協同討臧王敦翁年老群公有期傾之慶知妖逆之徒自然消殄也其時復有謠言曰盧橙橙逐水流東風忽如起那得入石頭盧龍果敗不得入石頭也

符生時長安謠曰東海大魚化爲龍男便爲王女爲公問在何所洛門東生誅其侍中太師魚尊及其子孫後符堅殺王而代之堅封東海時

爲龍驤將軍第在洛門東

符堅初童謠曰阿堅牽連三十年後若欲敗時
當在江湖邊又堅在位凡三十年敗於淝水是
其應也又謠語云河水清復清復詔死新城又
堅爲姚萇所殺於新城復謠歌云魚羊田斗當
滅秦識者以爲魚羊鮮也田斗卑也堅自號秦
言滅之者鮮卑也其群臣諫堅令盡諸鮮卑不
從又淮南敗還初爲慕容冲所攻卒爲姚萇所
殺梁武帝天監三年六月八日武帝構於重雲
殿沙門誌公_思舞歌樂須臾悲泣因賦五言詩
樂哉三十餘悲哉五十襄但看八十三子地妖

災起倭臣作欺傳賊臣戒君子若不信吾語龍
時侯賊起且至馬中間御悲不見喜梁自天監
至於大同三十餘年江表無事至於太清二年
臺城陷帝享國四十八年所言五十稟也太清
元年八月十三而侯景自懸瓠未降在丹陽之
比子地帝或朱异之言以納景景之作亂始自
戊辰之歲至千年帝憂崩

十年四月八日誌公於大會中又作詩曰凡尾
狗子始着狂欲死不死置人傷須臾之間自滅
亡患在汝陰死三湘橫尸一旦無人藏侯景小
字狗子初自懸瓠未降懸孤則古之汝南也巴

陵南有地名三湘即景奔敗之所天監中弟山
隱士陶弘景爲五言詩曰夷甫任散誕平救世
談空不言昭陽殿忽作單于宮父大同之季公
卿唯以談玄爲務夷甫平叔朝賢也侯景作亂
遂居朝陽殿

大同中童謠曰青絲白馬壽陽來其後侯景破
丹陽乘白馬以青爲羈勒

陳初有童謠曰黃班青驄馬發自壽陽侯來時
冬氣未去日春風始其後陳主果爲韓擒虎所
敗擒本名獸黃班之謂也破建康之始緋乘青
驄馬往反時節皆相應陳時江南盛歌王獻之

桃葉之詞桃葉復桃葉渡江不用楫但度無所
若我自迎接汝晉王伐陳之始置營挑葉山下
父韓擒虎渡江大將任蚩奴至新林以導北軍
之應

陳後主造齊雲觀國人歌之曰齊雲觀冠未無
除畔功未畢而爲隋師所虜

禎明初後主作新歌甚哀怨今後宮美人習而
歌之其辭曰玉樹後庭花花開不復久時人以
歌識此其不久兆曰後主在東宮時有婦人突
入唱曰卑國主有鳥一足集其殿庭以窮尽地
成文曰獨足上高臺臺草變爲灰欲知我家廢

朱門當未開解者以爲獨足者蓋指後主獨得
無衆盛草言荒穢隋承火運草得火而灰又至
京師與家屬館於都水臺所謂上高臺當水也
其言皆驗

梁末童謠曰可憐巴馬子一日行千里不見馬
上卽但見黃塵起黃塵汗人衣阜英相料理及
僧辯戒群臣以謠言奏聞曰僧辯本衆巴馬以
繫侯景馬上卽王字也塵謂陳也而不解阜英
之謂既而陳戒於隋說者謂江東謂殺羊角爲
阜英隋氏姓楊楊羊也言終戒於隋云

齊神武始移都於鄴時有童謠云可憐崔子飛

入鄆城裡作案猶未成舉頭失鄉里寄與婦母
好者新婦子魏孝靜帝者清河王之子也后則有
神武之女鄆都宮室未備即逢祥代作案未成
之效也靜尋崩文宣以后太原長公主降於楊
惜時妻后尚在故言寄書於婦母新婦子斥后
也

武定中有童謠云百尺高竿催折水裏燃燈澄
滅高者齊姓也澄文襄名五年神武崩催折之
應七年文襄遇盜所害澄滅之徵也

天保中陸法扣入圖書其屋壁曰十年天子爲
尚可百日天子急如火天子送大生時文宣帝

享國十四年而崩廢帝嗣立百餘日用僭厥位
孝昭即位一年而崩此其效也 又童謠曰一
束藁兩頭然河邊擺飛上天殺藁然兩頭於文
為高河邊殺擺為水邊洋指文宣明也

武平元年童謠曰狐截尾你欲除我我除你其
年四月隴東王胡長仁謀遣刺客殺和士開事
露逆為士開所諧死

二年童謠曰和士開七月三十日將你向南臺
小兒唱訖一時拍手云殺却至七年二十五日
御史中丞琅邪王儼執士開送於南臺而斬之
是歲又有童謠曰七月刈禾傷早九月喫糕正

好十月洗簫飯羹十一月出却趙老七月士開
破誅九月琅邪王遇害十一月趙彥深出爲西
兗州刺史武平末童謠曰黃花勢欲落清鐏但
滿酌時穠后母子淫僻干預朝政時人患之穠
后小字黃花尋逢齊亡欲落之應也

鄴中又有童謠曰金作掃帚王作把淨掃殿屋
迎西家無幾周師作鄴

周初有童謠曰白楊樹頭金鷄鳴祇有阿舅無
外甥靜帝隋氏之甥既遜位而崩諸舅強盛周
宣帝與宮人夜中連臂蹋蹄而歌曰自知身命
促把燭夜行遊帝即位二年而崩

隋開皇十年高祖幸并州宴秦孝王父王子相
帝爲四年詩曰紅顏詎幾王貌須臾一朝花落
白髮難除明年後歲誰有誰無明年而子相卒
十八年而孝王薨

大業十一年煬帝自京師如東都至長樂宮飲酒
大醉因賦五言詩其卒章曰徒有歸飛心無復
因風力令美人再三吟詠帝泣下霑襟侍御者
莫不欷歔帝因幸江都復作五言曰求去不得
去真成遭箇春鳥聲爭勸酒梅花笑殺人帝以
三月被弒即遭春之應也是年盜賊蜂起道路
隔絕帝惧遂無還心帝復夢二豎子歌曰住亦

元若乘船渡江水由是禁宮舟楫將居焉功未就而帝被殺

大業中童謠曰桃李子鴻鵠遶楊山宛轉花林裏莫浪語誰道許其後李密坐楊玄感之逆爲吏所拘在路逃叛潛結群盜自陽城山而來襲破洛口倉復屯兵苑內莫浪語密曰字文化及自號許國尋亦破滅誰道許者蓋驚疑之辭也唐竇建德未敗時有謠曰豆入牛口勢不得久昌先其是國中有童謠曰高昌兵馬如霜雪漢家兵馬如日月日月照霜雪回首自消滅

永徽後民歌弑媚娘曲

調露初京城民謠有側堂堂之言太常丞李嗣真曰側者不正撓者不安自隋以來樂府有堂堂曲再言堂者唐再受命之象

永淳九年七月東都大雨人多殍殍先是童謠曰新禾不入箱新麥不入場迨及八九月狗咬空垣墻高宗自調露中欲封嵩屬突厥叛而正後又欲封以吐蕃入寇遂停時童謠曰嵩山凡几層不畏登不得但恐不得登三度徵兵馬傍道打騰騰

永徵末里歌有桑條韋也女時韋也樂龍祠中時人飲酒令曰子母相去離連臺柳倒俗謂杯

盤子母又名盤為臺又里歌有突厥監永淳後
民歌曰楊柳饅頭駝垂拱後東風有契苾兒歌
皆淫豔之詞契苾張易之小字也

如意初里歌曰黃羣草裏藏弯弓射尔傷其後
王孝傑敗於黃羣谷

神龍以後民歌曰山南鳥鵲窠山北金駱駝鑣
柯不鑿孔斧子不施柯山南唐也鳥鵲窠者人
居寡也山北胡也金駱駝者虜獲而重載也

宋樂公主於洛州造安樂寺童謠曰可憐安樂
寺了了樹頭懸景龍中民歌曰黃牓犢子挽絙
斷兩足踏地鞮靽斷城南黃字犢子韋不阿緯

娘歌時又謠曰可憐聖善寺身著綠毛衣牽米
河裏飲踏殺鯉魚兒

玄宗在州有童謠曰羊頭山北作朝郎

天寶中有術士李遐周於玄觀觀院無間為詩
曰燕市人皆去函關馬不歸人遶山下鬼還上
繫羅衣而人皆不悟近詩妖也

又祿山未反時童謠曰燕燕飛上天天上女兒
鋪氍毹上有千錢時函州又有謠曰舊求誇戴
竿今日不堪看但看五月裏清水河邊見契丹
德宗時或為詩曰此水連涇水雙眸血滿川青
牛逐赤虎方號太平年近詩妖也

宋沈未敗前兩月有童謠曰一隻筋兩頭朱五
六月化為胆

元和初童謠曰柯麥打麥三三三乃轉身曰舞
了也

大中末京師小兒疊布漬水組之向日謂之曰
拔暈

咸通七年童謠曰草青青被嚴霜鵲始後看顏
狂

十四年成都童謠曰咸通癸巳出無所之蛇去
馬來道路稍開頭無片瓦地有殘灰是歲陰在
巳明年在午巳蛇也午馬也

僖宗時童謠曰金蝦蟆爭弩眼翻却曹州天下
反

乾符六年童謠曰八月無霜寒草青將軍騎馬
出空城漢家天下西巡狩猶向江東更索兵

中和初童謠曰黃巢走泰山東死後翁家翁宋
皇祐中廣源蠻首儂智高反陷邕州時謠言曰
農家種雜家收後宣徽使狄青討平之

宋治興中鼎札劇盜夏誠劉衡三岩據除不可
破二盜有口占末云除是飛過洞庭河後卒為
岳飛所破

二年李綱師長沙道過建寧有僧宗本題于邑

治之壁曰東燒西燒日月七七後數日江西盜
李敦仁入境焚其邑乃七月七日也二十五年
春泰塘謁告建康游茅山詩板揭于華陽觀梁
間是晚視之其側隱隱有白字可識末云榮華
富貴三春夢顏色馨香一土堆是冬檜屍

淳熙中河決入汴梁宋間爲之語曰黃河災天
水來天水國姓也遺黎以爲恢復之兆時淮西
競歆汪秀才曲曰騎驢渡江過江不得又爲傑
以和之後舒城狂生汪格謀不執州兵入其家
縛之子拒殺聚惡少數千爲亂聲言渡江事平

格亦伏誅

七年正月行都餘杭門外墻壁有詩言曰頗涉
恠後庶得主名校違之主管城北箱劉君登以失
察異言坐削秩其詩不錄淳熙十四年都成市
井歌曰汝亦不來我家我亦不來汝家流傳四
方莫解其指過治熙二三年其事始應于兩宮紹熙
三年都城市井有取程頤語錄語雜以穢褻盛行
于市朝廷知而禁之後三年偽學之禍乃作
嘉定三年都城市井作歌詞末皆曰東君去後
花無主朝庭惡而禁之未幾景猷太子薨

淳熙末上以恢復之占訪莎衣道人何者何授
以歌詞末云胡孫死開秋秋也須還我一百州

後金酋葛王死其孫璟立不以序諸酋爭立內
亂志以撫機爲惜

慶元四年三月甲辰有郵莆置詩謚達御前者
上諭宰臣究其事詩亦不錄

嘉泰四年越人盛歌鉄彈子白塔湖曲是冬有
盜金十一者號鉄彈子聚衆剽掠不可制賊黨
稍平謬傳其聞死白塔湖中師臣以聞後復出
獲之諸暨縣始就僇開禧二年鄂州民謠塞上
將軍少城南從事多宣威不可問恢復竟如何
時權臣開遼鄂爲宣撫使置司多辟覲故幕聚
城南爲餅縱云

廣志卷之五十三

廣志卷之五十四

白青白祥

天雨毛
地生毛

春秋左傳昭公二十四年十月癸酉王子鼂以
成周之賁圭湛于河

以祭
河也

幾以獲神之助甲戌

津人得之河上陰之倭取將賣之則爲石時王
子鼂篡天子之位萬民不鄉號令不從故有王
變近白祥也癸酉入而甲戌出神不亨之驗
云王化爲石賁將爲賤也後二年子鼂
奔走而死

秦始皇二十六年鄭容遇江神持壁言祖龍
死事與周子鼂同應是歲石墮東郡民或刻

其石曰始皇死而地分此皆白祥坑陽暴雲號
令不從孤獨治郡陰不附之所致其歲始皇死
後三年秦滅

漢孝昭元鳳三年正月泰山萊廡山南句句有
數千人聲民視之有大石自立高丈五尺太四
十八圍入地深八尺三石爲足石立處有白鳥
數千集其旁畦孟以爲石陰數下民象太山岱
宗之岳王者易姓告代之象當有廢人
爲天子者孟坐伏誅京房易傳曰復崩
來無咎自上下者爲崩廢應泰山之石顛而
下聖人受命人君虜又曰石立如人庶士爲

天下碑立於山同姓平地異姓立於水聖人於澤小人

天漢元年三月天雨白毛三年八月天雨白毛京房易傳曰前樂後憂厥妖天雨羽又曰邪人進賢人逃天雨毛

吳孫亮五鳳二年五月陽羨縣離里山大石自立案京房易傳曰庶士爲天子之祥也其說曰立石於山同姓平地異姓于寶以爲孫皓承發故之家得位其應也或曰孫休見立之祥也

晉武帝太康十年洛陽宮西宜秋里石生地中

始高三丈如香爐形後如偃功於武人聚薄不可

掘按劉向說此白青也明年宮車晏駕王室始騷卒以亂亡京房易傳曰石立如人庶士爲天下雄此近之矣

惠帝元康五年十二月有石生於宣年里

永康元年襄陽郡上言得鳴石撞之聲聞七八里

天安元年丹陽陽湖熟縣夏架湖有大石浮二百步而登岸民驚噪相告曰石來於竇白尋有石水入建鄴車騎大將軍羸王騰自并

州遷鎮鄴行次貞定時久積雪而當門前方

數丈獨消釋騰恠而掘之得王馬高尺許口齒
缺騰以馬者國姓上遂之以爲瑞然馬無齒則
不得食妖祥之兆哀亡之徵按占此白祥也是
後騰汲武帝泰始八年伍月蜀地雨白毛此白
祥也時桑所殺而天下遂亂益州刺史皇甫晏
代沒山胡從事何旅固諫不從牙門張弘
等因衆之怨誣晏謀逆害之京房易
傳曰前樂後憂厥妖天雨羽又曰邪人進
賢人逃天雨毛其易妖曰天雨毛羽貴人
出走之占皆應

惠帝永寧元年齊王同舉義軍軍中有小兒

出於襄城繁昌縣年八歲髮體悉白頰能卜於
洪範白祥也

成帝咸康初地生毛近白祥也孫盛以爲人勞
之異也是後石李龍威而中原向化將相皆耳
心焉於是鎮方屢革邊戍仍遷皆擁帶部曲
動有萬數其間徵代徵賊役無寧歲天下
勞擾百姓疲怨

咸康三年六月地生毛

孝武太元二年五月京都地生毛至四年而氏
賊次襄國圍彭城向廣陵征戍仍出兵連年
不鮮

太元十四年四月京都地生毛是時符堅滅後
經畧多事人勞之慮也

太元十七年四月地生毛

安帝隆安四年四月乙未地生毛或白或黑

元興三年五月江陵地生毛是後江陵見鬻

義熙三年三月地生毛

義熙十三年三月地生毛明年王旅西討司馬
休之明年北掃關洛

梁武大同二年地生白毛長二尺近白祥也孫
盛以爲勞人之異先是大發卒等浮山堰功費
鉅億垂成復漬百姓怨嗟

太青二年九月地生毛長二尺時候景舉兵反
後齊河清元年玖月滄州及長城之下地多生
毛或白或黑長四五寸近白祥也時北齊長城
內興三臺人苦勞役

天統初岱山封禪壇玉壁自出近白祥也岱山
王者易姓告代之所玉壁所用幣而自出將有
易姓者用幣之象其後齊王地入于周隋高祖
受周禪天下一統焚柴太山告祠之應
武平三年白水岩下青石壁傍有文曰齊
亡走人改爲上延後主以爲嘉瑞百寮
畢賀周師入國後主棄鄣而走

隋文帝開皇六年七月京師雨毛如髮
尾長者三尺餘短者六七寸京房易飛
候曰天雨毛其國大飢關中旱米粟踴
貴十七年石隕於武安滏陽開十餘洪
範五行傳曰石自高隕者君將危殆後
七年帝崩開皇末高祖於宮中埋二石
於地以誌置休所木幾變爲玉劉向曰
王者至貴也賤將爲貴之象及大業末
盜皆僭名號

大業十三年而平都有石文曰天子立千年百
僚稱賀有識者尤之曰千年萬歲者身後之

意也文稱立千年者禍在非遠明年而帝被殺

唐調露元年十一年壬午秦州神亭治北霧開如日初曜有白鹿白狼見迎白祥也

垂拱元年九月淮南地生毛或白或蒼長者尺遍居人林下楊州尤甚大如馬鬣焚之臭如燎毛占曰兵起民不安

神龍二年四月己亥雨毛干越州之鄭縣占曰邪人進賢人遁

大曆二年七月甲戌日入時有白氣亘天大曆二年九月戊午夜白露起西北亘天

王莽大鳳三年十月王路未鳴門鳴崔發寺曰
虞帝開四門連四聰門鳴者明當脩先聖之禮
招四方之志於士令邵皆賀新舉西門從崔門
入而對策馬令按奔匡煩民頑兵罪盈怨而天
下叛之門鳴之戒不悟惑崔發之言未幾而盜
賊群起光武舉兵卒至殺身齊武帝永明十二
年七月上不豫從御延昌殿始登階而殿屋鳴
叱上悉至八月崩
屋動而有聲京房曰邑居室無故自動動而大
聲者邑且虛

君府閣自鳴天鏡曰君府門閣自鳴強兵方至

唐昭宗天復三年十月有大聲出於宣武節度使聽使近鼓妖也是時宦官典兵朱全忠李茂真各以扶天子令候之意及駕幸鳳翔朱全忠進攻鳳翔李茂真與朱全忠和鳳車駕還長安未幾朱全忠逼帝遷於洛陽使蔣去暉弑之宮殿瓦自墜春秋潛潭已曰宮瓦自墜諸侯強陵主身不祥

大曆五年五月甲申西北有白氣亘天

建中四年四月甲子京師地生毛或黃或白有
長天餘者

貞元四年四月淮南及河南地生毛

貞元二年九月庚辰甲夜有白氣入東西際天
太和三年八月西方有白氣如柱

太和六年叁月蘇州地震生白毛

太和七年十月己酉西方又有白氣如柱者

三光啓二年四月有白氣頭黑如髮自東南入
于楊州城

光化二年三月乙巳日中有白氣亘天自西南

貫于東北

天復元年八月己亥西方有白雲如履底中出
白氣如疋練長五丈上衝天分爲三髻頭下垂
占曰天下有兵白者戰祥也

宋嘉祐七年三月徐州彭城縣白鶴鄉地生麴
占曰地生麴民將飢五月濠州鍾離縣地生麴
熙寧元年荆襄間天雨白毫如馬尾長者尺餘
彌漫山谷

熙寧元年三月潭州天雨毛是時詔翰林學士
王安石越次入封此邪人進之應也

熙寧八年五月丁丑雨黃毛

元豐三年五月青州臨朐益都石化爲蛇民取食之

靖康二年二月壬午夜四鼓白氣虹自南亘北
須臾移西南至東北天明而沒

建炎二年杜充爲北京留守一日天雨紙錢手
營中厚盈寸明日與金虜戰于城下敗積錢金
類金兵象紙白祥也

建炎三年三月白氣貫日未幾苗傅等作亂凡
白氣之占皆爲天下有兵戰白祥也

建炎四年五月壬子夜北方有白氣十餘道如

練語在赤祥

紹興元年二月己巳夜東南有白氣

十一年馮康國言三月庚申金虜吾長安油酒
皆變白色語在金傳父夜妖此白祥也四西
方兵象也赤喪祥後金酋宣爲下所弑

三十年十一月甲午夜西南有白氣出
危入昂

十二月戊申白氣出尾入軫貫天市垣
三十一年十二月辛丑白氣如帶東西垣天
出斗歷牛

隆興元年十二月壬午夜白氣見西方出危
入昂

二年正月甲寅夜西南有白氣亘天如帶乾道
元年正月庚午白氣見西北方出奎入參三月
戊辰夜白氣如帶自參及角東西亘天

四月丁酉夜白氣見西北方入天市垣辛丑夜
白氣入北斗乙巳夜白氣入紫微垣

十月己丑夜蒼白氣見南方入翼

乾道元年十一月丙寅白氣如帶出女入昂東
西亘天

乾道二年十二月庚午夜白氣如帶東西亘天
女入昂

淳熙十年正月戊子夜西南有白氣如天漢而

明南北廣可六丈東西亘天歷壁至卑

紹熙五年六月壬寅夜白氣亘天自紫微至亢
角己酉日入後白氣亘天頃刻而散

慶元五年二月癸酉夜東北方白氣如帶自角
至參八月甲子東北方有白氣如帶亘天

嘉泰四年十一月壬申晝有白氣分數道亘天
紹熙四年十一月癸酉地生毛占曰兵起民不
安後一年韓侂冑用事卒有開邊毒
民之禍

天雨石天文傳曰爲政者質信不施肆爲詐接
其下君王耳氏曰天雨石墮墜地大可一丈兩

頭銃名曰天鼓所下之地大禪伏屍

齊高祖受禪之日崇陽郡人戶千於嵩山東南隅見天雨石墜地石間有玉璽在其中璽方三寸又曰戊丁之人俱道俱肅然入草應天掃平洛清魏都此宋禪於齊之所應也

天雨絲綿古今占曰天下兵喪不出六年亂

天雨絮古今占曰其國將喪後有兵

天雨金天文傳曰天雨金鉄是謂刑余國君酷虐無辜不出一年立實於朝

唐武後拱壘三年廣州天雨金是謂后既中宗國徐敬大臣不服欲誅殺之乃祚任用酷民是

其應也

天雨錢天文傳曰其下乱

天雨釜天文傳曰人相食

天雨醜釜古今占曰歲大穰如小錢大從地中生大如泰大世人如蒸餅豐穰之驗

廣志卷之五十五

口舌之疴

人生而能言京房易飛候曰言不知則人生言天使代其言也京房曰人生而言言善則善言惡則惡此言國之因也地鏡曰多有譏則人生而言

人生兩口天鏡曰五穀不登百姓喪亡

人生子舌長京房曰天下有兵二口以上國主
見驚以兵

人生口在頭天下飢流亡

人生口在腹旁京房曰天下有兵一日爲天地
五穀豐登

人生無口京房曰其國見賊又曰多病

人生無唇春運斗樞曰上蔽下塞之應京房曰
是謂不祥國王死亡

人生無舌天下不聰

木沴金

周威列王二十三年九鼎震金震木動之也時周室衰微號令不從以訖金氣鼎者宗廟之寶器宗廟將遷故震動也是歲晉三卿韓魏分晉地王命以爲諸候其秦遂滅周而取九鼎之震木沴金失衆甚

漢成帝元延元年正月長安章城門門牡自亡京房易傳曰飢而不損茲謂泰殿災木厭咎牡亡妖緯曰闕動牡飛辟爲亡道臣爲非厭咎亂臣謀篡故谷永對曰章城門通路寢之路函谷關距山東之險城關守國之固將去焉故牡飛

也

平帝元始元年二月乙未義陵寢神衣在押中
丙申亘衣在外牀上寢令以急變聞詞以率王
莽地皇元年七月社陵便殿出與虎文衣發藏
在室匣中者出自樹立堂上良久乃委地吏卒
見者以聞莽惡之

魏齊王正始末河南尹李勝治聽事有小村激
隋過受石彪頭斷之此木沴金也勝後旬日而
敗晉惠帝元康八年五月郊禘壇石中破爲二
此木沴金也郊禘壇求子之神位無故自毀太
子將危之妖也明年愍懷廢死

孝武帝太元十年四月謝安出鎮廣陵始發石頭金鼓無故自破木沴金之異也天戒若曰安徒楊經畧之聲終無其實鉦鼓不用之象也月餘以疾還而薨

梁武帝大同十二年曲阿建陵隧口石麒麟動木沴金也動者迁移之象天戒若曰園陵之主石麟將爲人所移也後竟國亡

武帝太清元年帝捨身光嚴重雲殿游仙化生皆震動三日乃止當時謂之祥瑞識者以爲非動而動在洪範爲妖以此石虎之敗殿壁書人頭皆縮入頭之類

又送辟邪二於建陵左雙角者至陵所右獨角者將引於車上振躍者三車兩轅俱折因換車未至陵二里所又躍者三每一振則車側人莫不聳奮去地三四尺車輪陷入土三寸木沴金也劉向曰失衆心令不行言不從以亂金氣也石爲陰臣象也臣將爲變之應武帝暮年君臣唯講經談玄朝綱紊亂令不行言不從之咎也其後致候景之亂

元帝承聖二年正月己卯江夏宮南門鸞牡飛齊河清四年殿上石自起兩兩相擊哇孟以爲石陰類下人象殿上石自起者左右親人離叛

之應及周時東伐寵臣尉相願乞扶貴和兄弟
之徒皆叛入周

周建德元年濮陽郡有像郡官令載向府將
刮取金在道自躍投地如此者再乃以大繩縛
著車壁又絕繩而下時帝既滅齊又事淮南征
伐不息百姓疲敝失衆心之應也

唐長壽中東都天宮寺泥像皆流汗霖霖
唐神龍中東都白馬寺鉢像頭無故自落於殿門外
天寶五年四月宰臣李適之常列罪俎具膳
羞中夜罪躍相聞不解罪耳及足皆折唐長
慶中新都大道觀泥人生鬚數寸板之復生

後晉開運元年七月一日夜大雷雨明德門內井亭有石槽槽有能首夕漂行數步而龍首斷焉識者云石國姓也而龍首既斷大不吉之像晉祚果終於開運

宋乾德五年十一月許州開元觀老君像自動知州宋偓以聞

乾德六年正月簡州普通院毗盧佛像自動元豐元年邕州佛象動搖初像嘗動而交人入寇又動而州大火其後僊智高叛復動於是知州錢師孟投之江中

紹興二年宣州有鉄佛坐高丈餘自送前却若偃

而就人者數日既而郡有大火勝金大氣勝金失性而爲變怪也

紹興二十年二月温州戒福寺有銅佛像頂珠自動光彩激射終日不少停數日火作寺焚與宣州鐵佛同占皆火沴金也

淳熙九年春德興縣民家有鏡自飛舞與日光相射

天文傳曰太白西方秋金義也言也義虧言失逆秋令傷金氣罰見太伯進退以條兵高卑遲速靜躁伏見用兵皆象之秋行春令則歲星之象干之其星色青而昧陽氣氣復還五穀不實

秋雨不降草木生常應陽動也暖風來至人氣以成疾
木犯金光范接耳德曰木心犯太白草木再犯
再生占曰大兵起之應

門鑰自亡京房曰君門戶自亡其鑰其君且終也
梁棟鳴天鏡曰城廓宮闕梁棟鳴不出二年或
二月國亡削地

邑城門鳴京房曰邑城門無故夜鳴有大喪人
家亦罪地鏡曰邑城門或夜鳴者將有兵喪

宮桂自鳴春潭巴曰宮桂自鳴諸侯有聲宮桂
庭門自鳴天鏡曰宮殿門自鳴動搖有聲音不
出三年有流血交兵從近臣親戚起